



Polisi Asesu Ysgol Iolo Morganwg

Y broses o geisio a dehongli tystiolaeth i'w ddefnyddio gan ddysgwyr a'u hathrawon i benderfynu lle mae'r dysgwyr o ran eu dysgu, lle mae angen iddynt fynd a'r ffordd orau o gyrraedd yno

1. Cyflwyniad

- 1.1 Credwn fod asesu effeithiol yn darparu gwybodaeth i wella dysgu ac addysgu. Er mwyn gwneud hyn yn ein hysgol ni, ymgwymerwn â dau fath o asesu sydd yn wahanol ond yn gyflenwol: Asesu Safonoll (profion ac asesiadau penodol) ac Asesu Ffurfiannol (yn cynnwys elfennau asesu ar gyfer dysgu, marcio ac asesu o ddydd i ddydd)
- 1.2 Mae Asesu Ffurfiannol yn golygu defnyddio elfennau asesu ar gyfer dysgu sef asesu yn y dosbarth i godi cyrhaeddiad disgybl. Mae wedi'i selio ar y syniad y bydd disgyblion yn gwella fwyaf os ydynt yn deall nod/sgil eu dysgu, ble maen nhw mewn perthynas â'r nod/sgil yma, a sut y gallant gyrraedd y nod/sgil yma (h.y. cau'r bwlch yn eu gwybodaeth).
- 1.3 Mae Asesu Safonol yn golygu mesur perfformiad disgyblion yn erbyn safonau cenedlaethol. Gall athrawon wneud y dyraniad yma ar ddiwedd uned o waith, ar ddiwedd blwyddyn neu gyfnod allweddol. Mae canlyniadau profion hefyd yn disgrifio perfformiad disgybl, yn nhermau lefelau.
- 1.4 Rhown adborth rheolaidd i'r disgyblion ar eu dysgu fel y deallant yr hyn sydd angen iddynt wella. Mae ymchwil wedi profi fod bod yn

rhan o'r broses adolygu yn codi safonau, a'i fod yn galluogi disgyblion i weithredu tuag at wella'u perfformiad.

2. Amcanion Asesu yn Ysgol Iolo Morganwg

2.1 Amcanion asesu yn ein hysgol ni yw:

- galluogi'n plant i arddangos yr hyn maent yn ei wybod, ei ddeall ac yn gallu ei wneud yn eu gwaith
- helpu'n plant i adnabod y safonau i anelu atynt, ac i ddeall beth sydd angen iddynt wneud nesaf i wella'u gwaith
- caniatáu i athrawon gynllunio gwaith sy'n adlewyrchu'n gywir anghenion pob plentyn
- darparu i rieni wybodaeth reolaidd sy'n eu galluogi i gefnogi dysgu'u plentyn
- darparu ar gyfer rhieni a llywodraethwyr wybodaeth sy'n caniatáu iddynt wneud dyfarniadau am effeithiolrwydd yr ysgol

3. Cynllunio ar gyfer asesu

3.1 Yn Ysgol Iolo Morganwg defnyddiwn bolisiau pynciol a chynlluniau gwaith i lywio'n haddysgu. Yn y rhain gosodwn nodau ac amcanion, a rhown fanylion am yr hyn sydd i'w dysgu ym mhob grŵp blwyddyn. Yn ein cynlluniau gwaith adnabyddwn hefyd gyfleoedd ar gyfer asesu o fewn yr unedau. Nodir arsylwadau yng

- ngynlluniau'r athrawon. Cedwir asesiadau penodol ym mhroffil unigol y plentyn.
- 3.2 Er mwyn cefnogi'n haddysgu, defnyddiwn Ganllawiau'r Gorchmynion Newydd a Fframwaith y Cyfnod Sylfaen, sy'n ein helpu i adnabod lefel cyrhaeddiad pob plentyn.
 - 3.3 Cynlluniwn ein gwersi gyda bwriadau dysgu clir. Seiliwn y rhain ar wybodaeth fanwl yr athro o bob plentyn. Ceisiwn sicrhau fod pob tasg a osodir yn addas i allu pob plentyn.
 - 3.4 Mae athrawon bob amser yn rhannu sgil dysgu'r wers gyda'r plant wrth i'r wers ddechrau neu yn ystod y wers. Maent hefyd yn dangos y modd mae'r gweithredoedd yn cysylltu â bwriad y dysgu, a'r meini prawf y dyfynnir y gwaith wrthynt.
 - 3.5 Mae athrawon yn gofyn cwestiynau wedi'u geirio'n ofalus a dadansoddant ymatebion disgyblion er mwyn darganfod yr hyn maent yn ei wybod, ei ddeall ac yn gallu'i wneud, ac i amlygu unrhyw gamsyniadau.
 - 3.6 Nodwn unrhyw blentyn nad yw'n cyrraedd lefel ddisgwylidig y wers, a defnyddiwn y wybodaeth yma wrth gynllunio'r wers nesaf.

4. Gosod Targedau a Thracio Cynnydd

- 4.1 Mae'n ofynnol drwy gyfraith i bob ysgol osod targedau yn y Gymraeg, Saesneg a Mathemateg bob blwyddyn ar gyfer y disgyblion hynny sydd ym Mlwyddyn 6. Rydym ni, mewn gwirionedd, yn gosod targedau ym Mathemateg, Iaith ac un cyffredinol, i'n plant i gyd, yn ystod pob blwyddyn ysgol. Trafodwn dargedau unigol lle bo angen, a throsglwyddwn y rhain i'r rhieni.

- Pan gyflawnir targed rhoddir targed newydd i'r disgybl. Arolygwn gynnydd pob plentyn ar ddiwedd y flwyddyn academaidd.
- 4.2 Gosodir targedau Iaith a Mathemateg I bob plentyn gan ddilyn disgrifiadau lefelau'r Cwricwlwm Cenedlaethol. Er mwyn datblygu prosesau hunan arfarnu ac asesu ar gyfer dysgu adolygir y targedau yma gyda'r disgyblion yn rheolaidd. Mae hyn yn arwain at werthuso cyrhaeddiad a phennu targedau pellach.
 - 4.3 Clustnodwyd traean o'r amser CPA (Cynllunio, Paratoi ac Asesu) yn wythnosol tuag at systemau asesu. Mae'r amser hyn yn cynnwys gwerthuso effeithiolrwydd dysgu ac addysgu, marcio, hunan werthuso a thracio cynnydd.
 - 4.4 Byddwn yn tracio cynnydd disgyblion ym mhob maes cwricwlaidd yn gyson. Yn y cyfnod Sylfaen byddwn yn tracio cynnydd yn erbyn disgrifiadau'r deilliannau ac yng Nghyfnod Allweddol 2 defnyddir system tracio electronig yn erbyn sgiliau'r Cwricwlwm Cenedlaethol. Bwriadwn i'r system hyn ddatblygu fel ffeiliau trosglwyddo o'r cynradd i'r uwchradd.
 - 4.5 Cyfrifoldeb y Pennaeth ac athrawon dosbarth fydd monitor cynnydd. Mae ffeiliau unigol electronig gan y plant sy'n galluogi athrawon i nodi cynnydd yn y sgiliau ym mhob maes a throsglwyddo'r rhain o flwyddyn i flwyddyn.

5. Cofnodi

- 5.1 Yn Ysgol lolo Morganwg 'rydym yn cydnabod amrywiol ddulliau o asesu dysgu plentyn. Mae'r dulliau o asesu a ddefnyddiwn yn amrywio. Ni welwn hi'n angenrheidiol cadw cofnod ffurfiol o'r holl

asesiadau yma; cofnodwn y wybodaeth sy'n effeithio dysgu'r dyfodol yn unig.

- 5.2 Ar ein taflenni cynllunio, gwnawn nodiadau wrth werthuso ein gwersi i roi gwybodaeth ar gyfer cynllunio'r dyfodol fel y gallwn ystyried anghenion pob disgybl. Lle mae'r rhan fwyaf o'r dosbarth yn gwneud y cynnydd disgwylidig, does dim angen llawer o wybodaeth.

6. Adrodd i rieni

- 6.1 Mae gennym ystod o strategaethau sy'n rhoi gwybodaeth lawn i rieni am gynnydd eu plentyn yn yr ysgol. Anogwn rieni i gysylltu â'r ysgol os teimlant bryder am unrhyw agwedd o waith eu plant.
- 6.2 Bob tymor, cynigwn i rieni'r cyfle i gwrdd ag athro'u plentyn. Yng nghyfarfod cyntaf y flwyddyn ysgol, rhannwn y targedau rydym wedi'u hadnabod i'w plentyn. Yn ail gyfarfod y flwyddyn (yn ystod tymor y gwanwyn), rydym yn dangos llyfrau gwaith y plant i'r rhieni a thrafod y targedau a osodir ar ddechrau'r flwyddyn a'u cyrhaeddiad yn erbyn y targedau hyn.
- 6.3 Yn ystod tymor yr haf, rhown i'r rhieni i gyd adroddiad ysgrifenedig o gynnydd eu plentyn. Ysgrifennwn sylwadau unigol ar bob testun o'r Cwricwlwm, ac ar Addysg Grefyddol. Cynhwyswn le hefyd i adborth rhieni.
- 6.4 Yn adroddiadau Blwyddyn 2 a Blwyddyn 6, darparwn fanylion hefyd am y lefelau a gyrhaeddwyd yn asesiadau'r Cwricwlwm Cenedlaethol.

- 6.5 Ar ddechrau pob tymor, mae pob un o'n hathrawon yn paratoi i rieni trosolwg sy'n adnabod prif feysydd astudiaeth y dosbarth arbennig hwnnw.

7. Adborth i ddisgyblion

- 7.1 Credwn fod adborth i ddisgyblion yn bwysig iawn, am ei fod yn dweud wrthynt ba mor dda a wnaethant, a beth sydd angen iddynt wneud nesaf i wella'u gwaith. Mae gennym god marcio a gytunwyd, am fod hyn yn sicrhau ein bod i gyd yn marcio yn yr un modd, ac mae'r plant yn dysgu ei ddeall.
- 7.2 Rhown adborth llafar i blant ar eu gwaith pryd bynnag mae'n bosib. Gwnawn hyn fel arfer pan fo'r plant yn gweithio yn ystod y wers neu pan yn cyd farcio gyda'r plant ar ddiwedd y wers lle mae'n bosib. Pan nad yw amser yn caniatáu adborth llafar, ysgrifennwn sylwadau ar waith y plant yn ystod marcio. Rhown sylwadau ysgrifenedig i blant pob oedran.
- 7.3 Pan rown adborth ysgrifenedig i blant, cysylltw'n hyn â bwriad/sgil dysgu'r wers. Gwnawn yn glir a gyrhaeddwyd y bwriad/sgil, a chynhyrchwn dystiolaeth i gefnogi'r dyfarniad. Os ystyriwn na chyrrhaeddwyd y bwriad/sgil, gwnawn yn glir paham na chredwn hyn. Yn unrhyw un o'r ddau achos, rydym yn adnabod beth sydd angen i'r plentyn wneud er mwyn cynhyrchu gwell gwaith yn y dyfodol.
- 7.4 Mae athrawon yn rhoi adborth i ddisgyblion sy'n cadarnhau eu bod ar y trywydd iawn, ac sy'n eu hannog i wneud gwelliant. Mae athrawon yn rhoi awgrymiadau i ddisgyblion fel arweiniad ond

gwyddant fod disgyblion yn ennill fwyaf pan feddylant am y peth eu hunain.

- 7.5 Mae cael y plant i asesu'u gwaith ei gilydd yn effeithiol iawn ac yn eu galluogi i wneud eu syniadau'n glir ar symud ymlaen i'r cam nesaf, ond rhaid rheoli hyn yn ofalus, i osgoi cymariaethau di-fudd. Mae athrawon bob amser yn marcio'r gwaith eu hunain wedyn . Credwn yr hyrwyddir y dysgu fwyaf pan mae plant yn cynnal sgwrs â'r athro am eu gwaith.

8. Cynhwysiad ac asesu ar gyfer dysgu

- 8.1 Mae'n hysgol ni'n anelu at fod yn ysgol gynhwysol. Gweithredwn i geisio dileu'r rhwystrau dysgu a chyfranogiad all atal neu wahardd disgyblion unigol, neu grwpiau o ddisgyblion.
- 8.2 Cyflawnwn gynhwysiad addysgol drwy arolygu'r hyn a wnawn yn rheolaidd, drwy fonitro data, a thrwy gwestiynu'n hunain am berfformiad yr unigolion hyn a grwpiau o ddisgyblion. Yn y modd yma, gwnawn ddyfarniadau ar ba mor llwyddiannus ydym ni wrth hyrwyddo cydraddoldeb hil a rhyw, a chynnwys disgyblion ag anableddau neu anghenion addysgol arbennig.

9. Safoni'r safonau

- 9.1 Mae pob aelod o staff yn astudio gwaith plant. Mae'n hathrawon i gyd yn trafod y lefelau yma, fel bo ganddynt ddealltwriaeth gyffredin o'r disgwyliadau yn y testunau yma. Drwy wneud hyn,

sicrhawn ein bod yn gwneud dyfarniadau cyson ynglŷn â safonau yn yr ysgol.

- 9.2 Cyfrifoldeb pob aelod o staff yw bod yr enghreifftiau a gadwant o waith plant yn adlewyrchu'r ystod lawn o allu o fewn y testunau.

10. Monitro ac Adolygu

- 10.1 Mae'n arweinydd asesu yn gyfrifol am fonitro'r defnydd o'r polisi yma drwy'r ysgol gyfan.

- 10.2 Adolygir y polisi yn flynyddol.

Nia Tough Ionawr 2010

Cadw Cofnodion

Cofnod	Cyfrifoldeb	Monitro
Llyfr iaith/mathemateg / gwyddoniaeth disgyblion Targedau Unigol	Athro/awes Dosbarth	Pennaeth Arweinydd iaith, Mathemateg, Gwyddoniaeth
Taflen Targedu Unigolyn	Athro/awes Dosbarth Rhieni	Pennaeth
Cynllun pythefnos Asesu sgil penodol o'r fframwaith sgiliau	Athro/awes Dosbarth	Pennaeth
Portffolio yr unigolyn - iaith 1 darn o waith ysgrifennu pob hanner tymor Tymor yr Hydref: Llythyr neu gerdyn post + 1 arall Tymor y Gwanwyn Llyfr gwybodaeth neu bamffled + 1 arall Tymor yr Haf	Athro/awes Dosbarth	Pennaeth Arweinydd Asesu Arweinydd iaith
Portffolio yr unigolyn – Mathemateg 1 ymchwil 2 Dewch i Feddwl Mathemateg/Came Yn dymhorol	Athro/awes Dosbarth	Pennaeth Arweinydd Asesu Arweinydd Mathemateg
Dyfal Donc	Athrawes AAA	Arweinydd AAA

Portffolio pynciau Sylfaen yn cael eu datblygu a'u diweddarau yn ôl amserlen y Sir.